



Threema è l'emprima chat-app per rumantsch. MAD

Allegra «Threema»!

L'emprima app da chat rumantscha

■ **Threema è l'alternativa svizra a WhatsApp e cun passa 4,5 milliuns utilisaders il servetsch da messadis segir il pli derasà sin il martgà. Betg mo en Svizra, mabain gist er en Germania è Threema fitg popular.** Tge che blers na san betg: Threema è in'interpresa dal tut-tafatg svizra. Ella è vegnida fundada il 2012 da trais giuvs sviluppaders da software a Pfäffikon SZ. Betg mo il domicil da la firma sa chatta en Svizra, mabain er ils servers, e la software vegn medemmain sviluppada qua.

Gia dapi in temp è Threema disponibile en las trais linguas naziunalas svizras tudestg, franzos e talian. Da nov vegn sustegnida cun la versiun rumantscha era la quarta lingua naziunala. Threema di «Allegra rumantsch!». La translaziun è vegnida realisada en collavuraziun cun la Lia Rumantscha che s'engascha per la promoziun ed il mantegniment dal rumantsch.

Tge distingua Threema d'auters servetschs da messadis? Threema na rimna naginas datas d'utilisaders e codescha

l'entira comunicaziun cun il pli ferm criptadi pussaivel, uschia che nagina persuna nunautorisada na po leger ils messadis. Il servetsch da messadis è vegnì distinguì gia pliras giadas per ses standard da segirtad extraordinari e sia auta favuravladad per ils utilisaders. Cun «Threema Work» porscha Threema da nov er a firmas ina soluziun per trametter e retschaiver messadis.

Per ulteriuras infurmaziuns: <https://threema.ch>

Roman Flepp